


Questa introducziun tematica è vegnida realisada il 2012. In'actualisaziun vegn a star a disposiziun en pauc temp.

GIUVENTETGNA E CHAPIENTSCHA TRANTER LAS REGIUNS LINGUISTICAS



Gruppa visada impurtanta

La giuventetgna è ina gruppa visada da gronda impurtanza en connex cun la promoziun da la chapientscha vicendaivla tranter las regiuns linguisticas: En questa vegliadetgna ed en quest stadi dal svilup da la personalitad emprendan ins linguas estras ed ins sa fatschentia er cun las sensibilidades e cun las caracteristicas da las autras regiuns linguisticas en Svizra resp. ins las scuvra per l'emprima giada. Viadis e segiurns a l'ester èn daventads ina chaussa natirala per la giuventetgna d'ozendi causa la gronda mobilitad en il mund globalisà. Precìs perquai èsi impurtant da promover parallelamain er il barat naziunal.

Activitads da chapientscha en las scolas

Activitads interculturalas per juvenils – spezialmain il barat da scolars e classes tranter las regiuns linguisticas – fan part da las furmas da barat las pli enconuschentas en il champ da la chapientscha. Ellas èn fitg enritgintas tant per juvenils sco per la magistraglia e cumpletteschan l'instrucziun da lingua en la classa en maniera ideala. Mintg'on sa partipeschan var 500 classes cun 15'000 scolaras e scolars ad activitads da barat en Svizra (cfr. Fundaziun ch). Er en la strategia da linguas da la Conferenza svizra dals directurs chantunals da l'educaziun publica (CDEP) da l'onn 2004 è vegni postulà in diever rinforzà d'activitads da barat a nivel naziunal per emprender linguas. Cun la lescha da linguas entrada en vigur l'onn 2010 è er vegnidas amplifitgadas las pussaivladads d'acziun da la Confederaziun per sustegnair barats: In dals elements essenzials en quest connex è il sustegn dal barat da scolars e scolasts da tut ils onns da scola. Dapi l'onn 2011 sustegna la Confederaziun ultra da quai la mobilitad ed il barat en il rom da la commembranza da la Svizra als programs europeics da furmaziun scolastica, da furmaziun professiunala e da giuventetgna (cfr. Fundaziun ch). In pau main enconuschentas, dentant betg main interessantas ed effectivas, èn activitads sco il barat da brevs, il barat da plazzas d'emprendissadi e praticums professiunals per absolvents d'emprendissadis e da studis en ina outra regiun linguistica (cfr. Fundaziun ch). Ulteriurs projects che sustegnan l'instrucziun da linguas estras en scola en differentas manieras èn ina contribuziun positiva a la chapientscha interculturala en il sector da furmaziun, p.ex. la concorrenza naziunala da las linguas per juvenils «Linguissimo» (cfr. Forum Helveticum).



Activitads da chapientscha ordaifer las scolas

Er ordaifer la scola vegnan purschidas numerusas activitads interessantas per promover il barat intercultural tranter giuvenils. Questas derivan sco tar las purschidas scolasticas d'instituziuns ed organisaziuns da creschids u vegnan realisadas directamain d'uniuns e gruppas da giuventetgna. D'ina vart sa tracti da purschidas e projects che han sco finamira la chapientscha tranter las regiuns linguisticas, sco p. ex. las vacanzas linguisticas purschidas da fRilingue, ils segiurns d'au-pair organisads d'Intermundo, il project «Get together – Begegnung der Sprachen» realisà d'Infoklick ubain il project «Univers Suisse» da la Fundaziun svizra da studis. Da l'autra vart datti numerusas activitads e varsaquants projects che pussibiliteschan quasi sperastiers inscunters e contacts interculturals, che n'han quai però betg sco finamira principala. A questa sparta appartegnan per exempel «Giuventetgna debattescha» da la Fundaziun Dialog, las sessiuns federalas da giuvenils, il project «Scolas a Berna», la plattafurma giuvenila «tink.ch» ubain las pli differentas activitads culturalas, sportivas u da battasendas.

ACTURS

Activitads scolasticas per giuvenils

- Associazione svizzera dei professori d'italiano
- Fundaziun ch (barat e mobilitad)
- Conférence romande et tessinoise des chefs d'établissements secondaires
- Associazion tetgala svizra da magistras e magisters
- eCHanges
- Forum Helveticum (project «Linguissimo»)
- Scolas a Berna
- Conferenza svizra dals directurs chantunals da l'educaziun publica
- Fundaziun svizra da studis (project «Univers Suisse»)
- Verband KindergärtnerInnen Schweiz
- Association suisse des professeurs de français
- Verein Schweizer Deutschlehrer und -lehrerinnen
- Societad svizra da las scolastas e dals scolasts da gimnasi

Activitads per giuvenils ordaifer la scola

www.forum-helveticum.ch
info@forum-helveticum.ch

Das Kompetenzzentrum für sprachkulturelle Verständigung
Le forum pour la compréhension linguistique et culturelle
Il forum per la comprensione linguistica e culturale
Il forum per la chapientscha linguistica e culturala

- Federaziun tetgala svizra dals parlaments da giuvenils
- Servetsch per communicaziun e medias, Universiad da Friburg (project «Tandem»)
- Sessiun federala da giuvenils
- fRilingue – Freude lehrt Sprachen/apprendre les langues avec le sourire
- Giuventetgna Rumantscha
- Infoklick.ch (project «Get together – Begegnung der Sprachen»)
- Intermundo
- Giuventetgna debattescha
- Cuminanza da lavur svizra da las uniuns da giuvenils
- Fundaziun Dialog – Campus per la democrazia
- Tink.ch

DOCUMENTS, PUBLICAZIUNS

- EDK-Empfehlungen zur Förderung des nationalen und internationalen Austausches im Bildungswesen vom 18. Februar 1993
- Bundesgesetz über die Landessprachen und die Verständigung zwischen den Sprachgemeinschaften
- Verordnung des Bundes über die Landessprachen und die Verständigung zwischen den Sprachgemeinschaften
- Förderung der Verständigung zwischen den Sprachgemeinschaften durch Sprachaustausch von Schülerinnen und Schülern der allgemeinbildenden Schulen der Sekundarstufe II, Petition des Vereins Schweizer Gymnasiallehrerinnen und Gymnasiallehrer, Dezember 2010
- Nationales Kompetenzzentrum für Austausch und Mobilität